

**O‘simliklar karantini va himoyasi agentligining 2022–2026-yillarga mo‘ljallangan
Yangi O‘zbekistonning taraqqiyot strategiyasini “Inson qadrini ulug‘lash va faol
mahalla yili”da amalga oshirishga oid Davlat dasturida belgilangan
chora-tadbirlar ijrosi yuzasidan amalga oshirilgan ishlar bo‘yicha
MA’LUMOT**

2022-2026-yillarga mo‘ljallangan Yangi O‘zbekistonning taraqqiyot strategiyasini “Inson qadrini ulug‘lash va faol mahalla yili”da amalga oshirishga oid Davlat dasturida O‘simliklar karantini va himoyasi agentligiga 1 ta bandda 2 ta vazifa va topshiriqlar belgilab qo‘yilgan.

Shuningdek, mazkur dasturning:

**III. MILLIY IQTISODIYOTNI JADAL RIVOJLANTIRISH VA YUQORI O‘SISH
SUR‘ATLARINI TA’MINLASH:**

28-maqсад: Respublikaning eksport salohiyatini oshirish orqali 2026-yilda eksport hajmlarini 30 mlrd AQSh dollariga yetkazish.

120-bandining 4-kichik bandida:

*Mahalliy meva-sabzavot mahsulotlari eksporti geografiyasi
va nomenklaturasini kengaytirish choralari ko‘rish.*

Bunda:

marketing tadqiqotlari o‘tkazish orqali O‘zbekistonda yetishtirilgan qishloq xo‘jaligi mahsulotlariga talab yuqori bo‘lgan xorijiy bozorlar ro‘yxatini ustuvorlik asosida (mahsulot turi, narxi, logistikasini inobatga olgan holda) shakllantirish;

ro‘yxat asosida har bir mahsulot bo‘yicha texnik ma‘lumotlar tayyorlash hamda xorijiy davlatlarning karantin xizmatlariga diplomatik kanallar orqali yuborish;

xorijiy mamlakatlarning karantin xizmatlari bilan muzokaralar o‘tkazish va fitosanitar ruxsatlarni olish choralari ko‘rish belgilangan.

Hozirda O‘simliklar karantini va himoyasi agentligi tomonidan mahalliy meva-sabzavot mahsulotlari eksporti geografiyasi va nomenklaturasini kengaytirish bo‘yicha amaliy chora-tadbirlar rejasi ishlab chiqildi hamda tasdiqlandi.

Marketing tadqiqotlari o‘tkazish orqali ustuvorlik asosida (mahsulot turi, narxi, logistikasini inobatga olgan holda) shakllantirilgan O‘zbekistonda yetishtirilgan qishloq xo‘jaligi mahsulotlariga talab yuqori bo‘lgan xorijiy bozorlar ro‘yxatini taqdim etish yuzasidan O‘zbekiston Respublikasi Investitsiyalar va tashqi savdo vazirligiga xat orqali murojaat etildi.

Mahalliy meva-sabzavot mahsulotlari bo‘yicha texnik ma‘lumotlarni tayyorlash hamda xorijiy davlatlarning karantin xizmatlariga diplomatik kanallar orqali yuborilishini ta‘minlash uchun Investitsiyalar va tashqi savdo vazirligi tomonidan O‘zbekistonda yetishtirilgan qishloq xo‘jaligi mahsulotlariga talab yuqori bo‘lgan xorijiy bozorlar ro‘yxati

taqdim etilishi kutilmoqda. Investitsiyalar va tashqi savdo vazirligi tomonidan ro'yxat taqdim etilganidan so'ng xorijiy mamlakatlarning karantin xizmatlari bilan muzokaralar o'tkazish va fitosanitar ruqsatlarni olish choralari ko'rish bo'yicha tegishli ishlar amalga oshiriladi.

120-bandning 5-kichik bandida:

Mahalliy meva-sabzavot mahsulotlarini xorijiy mamlakatlarga to'siqsiz va muammosiz eksportini amalga oshirish maqsadida, mahsulot yetishtiruvchilarga xalqaro sertifikat va standartlarni (Global G.A.P, Organic, NACCP va boshqalar) keng joriy etish.

Bunda:

xalqaro standartlar joriy qilish bo'yicha seminar va o'quv mashg'ulotlarini o'tkazish;

standartlarni joriy etishda yillik ish rejalarini tasdiqlash belgilangan.

Ushbu band ijrosi yuzasidan Qoraqalpog'iston Respublikasi, viloyatlar va Toshkent shahrida mavjud eksportbop mahsulotlar yetishtiriladigan mevali bog'lar, dala maydonlari va issiqxonalar hamda qadoqlash korxonalar soni to'g'risida ma'lumot shakllantirildi.

Shu jumladan, eksportbop mahsulot yetishtiruvchi, tayyorlovchi, saralovchi va qadoqlovchi tadbirkorlik subyektlari xodimlariga maxsus o'quv kurslari, seminarlarda eksport jarayonidagi xorijiy mamlakatlar karantin xizmatlari tomonidan qo'yilgan talablar to'g'risida ma'ruzalar o'tkazish va eksportbop mahsulotlar yetishtiriladigan bog'lar, dala maydonlarida, issiqxonalarda va qadoqlash sexlarida mavjud muammolarini aniqlash va bartaraf etish yuzasidan amaliy choralar ko'rish bo'yicha tarmoq jadvali tasdiqlandi va ijroga qaratildi.

O'zbekiston texnik jihatdan tartibga solish agentligiga mahsulot yetishtiruvchilarga xalqaro sertifikat va standartlarni (Global G.A.P, Organic, NACCP va boshqalar) keng joriy etish maqsadida xalqaro standartlar joriy qilish bo'yicha seminar va o'quv mashg'ulotlarini o'tkazish, shuningdek, standartlarni joriy etish yillik ish rejalarini ishlab chiqish va tasdiqlash uchun takliflarni taqdim etishni so'rab murojaat xatlari yuborildi.

O'zbekiston texnik jihatdan tartibga solish agentligiga xat orqali ish reja loyihasiga takliflar taqdim etilib, xalqaro sertifikat va standartlarga (Global G.A.P, Organic, NACCP va boshqalar) ehtiyoji bor korxonalar ro'yxatini olishda amaliy yordam so'rab murojaat qilindi.